

補
勤
詩
存

序

言必肖人以出而詩其肖之尤者也自予束髮受教文人既壯歷南北頗逐友朋壇坫輒得觀所爲詩雖淺深純雜致有不同莫不隨其中之所得如印鍥而出若吾補勤之詩誠才人之詩也補勤爲予言自少喜爲詩見訶於尊人而止旣其室勞夫人工詩復相唱和顧方攻制舉業不數數爲癸丑以後東南多故思出其身爲世用綢繆鄉里出入危難更不以是措意迨試吏來吳值庚申之變今大帥合肥公治兵滬濱賞其才凡軍府繁重之事以及島夷倣詭猝不可究詰之端它人相視愕眙不能辦者輒以委之銀手如斷機應百變乃以是辭

蔽於同官得意外詿誤就居海上鬱鬱不自聊一年後
航海從軍雜健兒馳逐戰場歷燕齊徐豫之域補勤至
是始肆力於詩發皇論議劇刻事物興盡慷慨不屑屑
爲竊眇駘宕之詞以自矜標致而補勤乃大吐出其胸
中之詩嗟乎自予識補勤五六年矣始補勤見知於大
帥炙手可熱事機之劇午至相逢不暇握手語補勤是
時亦感激圖報稱竭心力無所遺而予竊竊從旁慮之
慮其將以才遭忌也果不幸而中予言而猶幸大帥知
補勤也深旋蹶復起復將得展其用補勤於是思深意
遠淵乎其不侔矣而此數年中船唇馬背長歌短謠不
得已盡發之於詩天不啻以是昌之信乎人之才之不

能以自揜也自今以往補勤所作將益沈深雄厚不僅
爲才人之詩抑補勤之才又將有所屬焉而不得復肆
力於詩也宜補勤亟亟爲之而恐後者歟予於詩久廢
今年與補勤發蘇州抵袁浦由徐入豫分手軍中復合
并於任城補勤時有詩見示欲努力追隨之輒中餒而
罷才力之不侔若是耶抑詩之所謂肖人者誠肖其人
之所得而不能強之枵然無所與之人也尤自慨已丁
卯新秋梁谿錢助序於濟甯玉露菴軍次

序

任天下之至重而不歷天下之至難則其爲識也不練
而其爲才也不奇器量亦從而局之補勤予同年友向
嘗提洋旅拒賊滬東而予適以大師遇戈船抱火一握
手卽別去不遑語文字已而聞諸帥府嘖嘖稱補勤陳
時事多中以馭島夷濟諸軍艦舳機應百變知非復尋
常草檄才而殊不以詩著迨克胥吳詣予松江防所見
示鐫歌十二篇始讀而奇之時方軍唐橋製礮法補勤
爲予作壁上觀立洞機要以圖及詩見貽皇皇巨製卓
然名家然後知其爲人矜氣節能文章而尤深於詩也
會淮軍杭海剿捻大帥合肥公以補勤屬予駕飛輪狎

駭浪眾莫能興而補勤兀不爲動與談戰事毅然有悍
色而咿吾隨之予益奇其量也舟師之抵大沽也與洋
酋齟齬泊中流不得渡補勤請以扁舟先浪急船高猝
不可卽乃援蓬索猱升檣櫓間偃僂就一葉徑揚帆去
眾皆壯之其縱橫豪宕類如此自是隨萬人行千里舟
車暑雨涉歷艱險日以詩抵予無倦容勦賊豐沛補勤
與予竟日冒矢石歸則從容草捷報已卽朗吟千言序
戰狀以爲常當其船唇馬背慷慨悲歌磨盾抽豪橫刀
索句磊落自喜旁若無人未有不令人擊節沈吟奮衣
起舞者嗚呼謂非才識器量之過人而足以任天下之
至重者而能若此與中間再戰徐豫一歸江南重駐任

城分籌帥幕又先大軍渡黃隄張湫轉餉五年之中奔走兩河南北無已時更事最難而得詩亦最富其自述所謂萬里遊無今日壯一年詩抵半生多蓋紀實也今且河北肅清捻氛盡靖補勤偕予入觀筮仕山左分手都門賦詩言別正不知其詩之所詣過此又當何如顧以是詩之多作於予所而予實親見是詩之所以作也爲道其時與事以見其所歷之至難後之覽者儻亦開卷而想見其人焉敢告曰詩中有我同治己巳四月初吉年愚弟潘鼎新拜序

序

程予與補勤子投分於春申浦上測交於橫海軍中其
時挂席蓬萊揚帆郭解火輪飛出擁駮鶴以成行鐵篴
歛來感魚龍而起舞幾縹閭風之轡欲縣扶桑之弓旣
乃涉津沽趨汶濟弭旌乎亢父借榻乎維摩明月一龕
平沙萬幕相與聞鐘奏句聽角厲響銅荷之燼申旦錦
字之題滿篋竊見補勤之詩颯然橫鶩襟靈獨攄高唱
則積雲不飛潑墨而驚花亂下滎河九派自瀉靈源崑
嶽三峯獨凌僊掌未嘗不朗吟擊節俯首傾襟也握別
三載馳心千里乃辱遠寄疏麻見貽束笥手定其詩若
千悉不鄙庸虛命爲嚶引夫其乙科未射甲帳初熏曾

與金屋名姝共續玉臺新詠紅蕤夢短絳蠟灰寒沈蓮
壺之箭千二百驪換錦瑟之絃二十五柱淵明賦裏幾
欲懺于閒情元相集中乃僅存夫少作已而僊遊日下
薄宦江南扶風之述船官腐吏之論輶算識洞九變學
通四夷採騾國以貢吟詠龜茲而入曲運逢浩劫感有
萬端陸沈已慨乎東南時事則編之王甲流涕石濠之
吏復何減乎少陵追步春陵之行或可方乎元結而乃
天衢展驥小蹶犇蹏宦海登龍忽逢點領竹有鈞而自
直桐入爨以先焦未免牢愁能毋堙鬱况復故園難返
玄髮蚤凋雨荒內史之庭草沒戴逵之宅西山放鶴誰
招隱士歸來東海釣鰲應署謫僊自號拂衣作客投袂

從戎攬轡中原撫劍而青虹長嘯驅車故壘招魂而碧
血淒涼聽勅勒之高歌拍殘銅斗誦阿瞞之樂府敲缺
唾壺旣聲激而彌哀亦道窮而善轉才人去國豈類長
沙使者揚旌方來重館揖酒樓之狂魄邀月飛觴傲鐵
槍之孤標淩雲卓筆一隨大府再定長淮幾多鐃吹之
吟蚤具澄清之奏斯則肩山著作經渡海而始奇鄴下
清流賦從軍而愈壯者矣僕傭書自給磨盾相從媿東
鄒之濫竽慙壽陵之學步問騷壇牛耳願捧敦槃覩大
雅鴻篇欲焚筆硯猶憶訪碑同載望嶽駢征讀騷呼山
鬼爲鄰品石邀水僊作友歎欽奇之標格故自異人論
豪宕之才思豈能方物若乃强臺再上澠池復奮霖雨

澤乎蒼生風雲吐其偉抱將使王筠編集各繫一官樊
南服膺願書萬本以斯文爲息壤可乎同治己巳四月
秀水趙銘拜序

序

子與畫卿生同歲同補諸生復同舉於鄉予家舊在山
中距畫卿居數十里畫卿常侍其尊人俶齋先生於
昌化學舍癸卯以前猶未知畫卿之深頗有誦其配勞
鏡香之詩者獨不及畫卿庚戌北上予病瘧都中畫卿
旋別去是時同年生余免鄉

紹唐

孫蓮士

廷璋

陳珊士

壽祺

年少負異稟詩詞敏絕稍稍聞於都下而畫卿之

詩未見自後南北往來歲或不得旬月聚亦未暇一叩
其所作戊午己未間與畫卿居京邸最久畫卿意氣激
昂奮發愛時感事一寓於詩予讀而奇之叩其少作則
大半斐雋矣壬戌之秋予急假至上海時江浙郡縣淪

陷殆盡上海一隅華夷雜處外逼強寇晝卿方奉大帥檄贊畫兵事僚吏將校白事者錯迕於門或見星未已予意其不暇爲詩晝卿則出其新詩及樂府數十章直抒時事類白傅秦中吟予讀而奇之旣而晝卿從大軍航海轉戰齊豫間烽火波濤涉歷奇險數以詩抵予索和及序前後彙百十篇沈鬱古宕造境尤勝予益讀而奇之戊辰冬晝卿捧檄入都見示全卷凡十有六始知晝卿才識志量之所該性功學力之所詣不在詩而詩已足以達之臨別索序益急予無以辭獨念十數年來故交零落兩邑同舉之士之豪於詩者惟晝卿存耳晝卿負奇懷異行將出典大邦卓卓有成就其爲詩也必

益奇予尙欲爲老友泚筆書之己巳五月既望會稽賈
樹誠謹序

序

昌黎有言張旭爲草書不治他伎喜怒窘窮憂悲愉快
怨恨思慕不平有助於心必於草書乎發之於物見山
水陵谷鳥獸蟲魚草木之花實龍蛇之屈伸列星風雨
水火雷霆霹靂歌舞戰鬥天地事物之變可喜可愕一
寓於書故其書變動猶鬼神不可端倪以是終其身而
名後世是說也予嘗疑之得補勤詩而始信補勤少擅
文譽冠時彥猶斷斷一經生嘗爲予述庭訓方且戒高
官志著述以自命無用世意旋與予同鄉舉遊京師見
夫泰山之所以高江河之所以流當世士大夫之所以
得失治亂於百十年之間者默證其平居擬議而若有

所得會中原亂作仕宦殉國事史不絕書一命之士退
若勿勝而補勤獨毅然以世事爲己任其忠義奮發之
氣激昂建拔之心動於至情不能自己當夫撫今抗古
徹夜雄談拍案叫呼繼之以泣精悍之色見於眉閒其
與模稜遠害偷安苟榮之徒志趣已相懸萬萬矣論者
鮮不謂同人之出而救時已亂卓然有聲者必首推補
勤而補勤方以親老隱硯田凡七年授徒數百朝講幄
而夕寢門布衣徒步手一編躬甘旨娛養極人所難能
不遽言仕惟一旦急人之急有不啻水之就下火之然
脂飢渴之於飲食商賈之於貨利者急起從之而不暇
自量其才與力焉已而亂及吾土補勤走海隅自甬航

滬滬亦告警乃參李肅毅臨淮軍贊畫奇中一其食而
事什之歲遷其秩者再予時陷賊中得補勤書慨然以
短褐往踵其門如市因親見補勤之性情行事無一不
實其向之所言而庶乎其得志焉補勤則欲然不自多
若以挾持之初不在是而吁感隨之出其所爲東南王
甲詩一卷指謂予曰畢生精力當在是間惜未盡欲言
耳予不之信且意其餘事將不暇爲詩也施未竟謬以
他事去官補勤轉怡然受之急閉關痛吟一傾吐其中
之所有經歲所作富於十年率皆魁梧廉悍沈鬱淋漓
極文章之能事而有得於昌黎所謂雷霆霹靂歌舞戰
鬪者明年佐萬人軍渡海平北捻雜健兒短後抱一卷

於驚濤怒馬間幾死者數而詩益大奇三年積卷二十以奏凱功隨上將入 觀質都下諸名公侯王上下其議論而補勤之詩乃敢以之自豪名一家而公同好其中民物事功之大志節行誼之深蘊括淵富寄託高遐固已極倜儻而進於神明致精微而返於雄渾麗而則肆而醇以云學養則幾矣旣筮仕之濟南宏獎風流傾動羣雅有人望其治事也非不闢達沈毅而甯靜致遠旣和且平所造亦與詩而俱粹猶憶補勤預言他日能序是詩者必予與琴巖予亦樂道補勤之所以爲詩而有存乎詩之先者非敢自命知詩如琴巖也抑又聞之物不得其平則鳴以鳥鳴春春不在鳥以蟲鳴秋秋亦

不在蟲天或將以其詩鳴補勤乎補勤則又不在詩矣
請試起昌黎而問之同治十年辛未夏年家弟章傳墀
謹識

序

天下之事率意爲之則其道必濫而有人焉介然自樹
不肖爲其易以求合乎衆人之所共競此必將無譽於
衆人矣雖然徇衆之所悅而爲之與斷斷然自以造夫
志之所在與夫力之所至而爲之有賢者出其必在此
而不在彼今日之道之濫亡慮其大卽詩亦已甚矣貴
家富室愿人治子麤夫淺生無不爲詩詩至此尙可爲
也哉乾隆中有袁簡齋者未嘗不有才而任自然之說
未能實其才之所至後生晚出以其言之易爲也轟而
犇焉近世之詩之濫悉主乎此其爲衆人則亦波靡其
中而不復深求焉矣有志自立之士上見古人則入之

補勤詩存卷首

三

欲深下見後世則積之欲久入之深則如嘗親琴瑟彝鼎之地不至爲捷步俚語以求解於淺夫積之久則直以古人自命探邃詣幽力窮乎性情抱負之本而不憚肩其所得以待夫人之能叩乎此者發之詩至此然則亦可爲也已余讀補勤之詩而有喜焉其思能研而入沈心獨往有若蒼山大林翔飛游走不似十步之雀之踏平野也其氣動宕如大舸之受江風不似田溝野渚緒一葦之蒿舉也其聲音節簇疾緩清濁如金如石如匏如革如悽竹如繁絃令人哀令人樂也此非其性之所獨厚而又克以其力之所至造其情之所深者不能及也詩凡二十餘卷始道光戊申至同治甲戌中更寇亂

多今昔興廢死生聚散之感人情變幻華夷消長之憂
又嘗從大軍涉江南北度溟渤歷山東諸國旣之官復
監軍海上贊大府治河所至必有作以發其忠君愛國
之隱凡所傾吐關係時事無一非有所爲而爲之者惟
其情也深故其體也正將使後之覽者知道之不可以
濫與夫事之不當爲其易以求合乎眾人之所共競而
必扁其所得以待夫人之能叩乎此者發之其於詩也
且如此光緒紀元春三月豐潤趙國華識

序

躬豪傑之材而道濟天下必其心有蕭然自得闔然無求之念然後功名所就始不至於私而懷豈直矯俗而已哉亦其素志然也補勤陳先生早遇值世多故五十矣仕且顯乃獨喜持其所爲詩下商於賤子若不勝珍重焉者豈勤於小物而忽遠大與抑謙抑之過與是皆不然蓋當大亂翦除之際雖鄙夫豎子巧佞貪忍之徒無不附功名恣睢以快意而大吏方不惜羅一切爲己名此自古賢人正士往往所遇齟齬間以建樹攫擠陷轉不逮庸眾之赫赫震耳目先生有見於此獨操毛錐子逐健兒渡溟渤走千里任事疑謗之交置身生死之

補勤詩存卷首

齒

地卓然自立無所阿故仕雖顯猶閉戶與一二寒畯較
文藝斷斷一書生讀其詩則又令人俯仰時事太息傷
懷至於流涕此其胸襟識量動於性天非比俗所能窺
其涯岸卽敬重而薰炙之者亦惟憮然於天下需材之
亟而老成深謀至計猶不得大竟其施爲世憾而要其
蕭然閒然者至是而益見苟本此心濟天下必有異於
私而復者矣夫士不得徑行其志必有所憑藉以自見
不爲遇不得已而有託以鳴焉雖非其志之素而性情
學術抱負則存乎其中是以古君子甯爲有用之學以
終老而恥與薄俗急功之士同其烜赫而卒無所傳於
後者光緒二年丙子孟春封邱何家琪謹序

序

詩之源流亦大矣有學人之詩有才人之詩冲夷渾雅多見道語學人之詩也縱橫博麗時露奇氣才人之詩也二者不甚相入爲王孟者不能爲李杜工蘇黃者不必工楊陸則賦稟詣力限之矣其有兼擅眾長不名一格而通兩家之驛騎者不難能而可貴與予與補勤同受知於吳崧甫趙蓉舫兩先生肄業西湖詰經精舍久以文字相期許顧人之稱補勤者則曰蚤歲工詩古文辭又倜儻負大略意氣豪宕抵掌論時事有不可一世之概旣屢困春官遭遇東南多事奮起功名蹶而復振詩境益沈鬱蒼莽迨度溟渤登泰山謁闕里廟堂求蓬

蔡三島所歷危險俶詭可驚可喜之境悉寓於詩豫章
翻風鯨魚跋浪至擬之少陵巴蜀庾信江南然則是亦
才人之詩耳歲癸酉予視學山左復與補勤相過從且
三年讀其詩則冲夷渾雅之境時時遇之楮墨中知其
淵然自足泊然無與之志固有以充其學而馭其才而
不第以縱橫博麗見長蓋其見道深矣他日者設施旣
竟單舸南旋徜徉於鑑湖快閣閒予雖不能詩亦當載
酒相訪極論詩家流別庶幾有得於見聞之所未及而
相喻於微今以假滿旋都束裝忽促則固未敢以請也
補勤臨別索贈言因述所見如此其亦犁然有當否耶
丙子臘月朔日鄉愚弟黃體芳謹序

序

幼侍舅氏宗滌樓先生讀得見其爲詩古文詞斷斷於
行常日用間無所奇而醞釀淵宏胎息醇古莫能窺其
學之所至已而舅氏官東河柏從沛上軍得與補勤陳
先生遊先生故舅氏道誼交相期於有本之學不沾沾
文字顧出其所爲詩百折千盤淩轢踔厲有若雲中雕
鶚挾風沙下大漠爪翼所觸鏗然有聲時山左猶大警
先生日與柏論兵馬上退則秉燭危樓草飛檄已卽伏
案伊吾朗吟達旦或狂叫自喜述滄桑身世又感奮至
泣下以爲常人多苦之柏益僵怖汗走偉其才謂扶輿
磅礴之氣鍾之其人而蓬勃以出者然也質之舅氏曰

否否寸牋尺牘斲性眞者也腳鞢手版損風骨者也長
槍大戟馳神明乖襟韻者也終日習吳趨角聲氣炎涼
百態頤指自豪良亦僊矣暇則尸居夢寐徵逐飲博作
諸無益以自遣此其學將安在而其養又何如也夫氣
煩則慮亂志情則神衰人有心而一日靡所寄則怠廢
中而匪僻乘之故善學者必有遊息之具發舒之機俾
此心靜有所著而動有所之然後理達而事舉以治劇
則思無不入而氣足以攝之脫遇屯蹇抑塞窮不自聊
而吾心之有用者自若也豈不亦怡然綽然而不窮於
應古人之所貴乎學養者補勤其知之矣不然烏用此
勞人者爲

柏

始聞而愕繼而疑終乃大喜鼓舞驩躍不

知所云然後歎詩之感人深而舅氏之知先生遠也今舅氏捐館舍且十年先生之爲詩如釀醇醪甘苦辛酸莫名一味沖夷澹遠卓然名家明湖壇坵牛耳屬焉下走僇愁叨侍益久會梓行全稿而又與於校讐其敢讓一詞之贊謹就向之稟受於舅氏者泚筆書之亦以見兩先生之相期於有本之學而不苟爲詩也且如此豈光緒三年丁丑夏五鄉後學錢柏謹述

題詞

豐潤 趙國華 菁衫

長虹吸天劫如海凶豎東南淪十載比來詩史儻無人
一代輜軒廢徵采補勤先生殊縱橫激谿怒腕伸詞兵
興酣泚筆富萬藻言成往往關 朝廷上心軍計下黔
首涕泗瘡痍什八九中原稍靖兼籌邊積薪厝火情茫
然香山樂府工悽愴少陵出塞增悲壯寶劍宵熒毒霧
開鐵琴春擊天花放功名年少爭鵠起故是江東舊才
子一朝意氣凌青霄英蕩朱旗遂直指東山開府能勤
王樓船犀甲紛相望老成被檄乃監礮坐看紅日生扶
桑鏡清砥平界中外鱷魚敢見強弓張拂拭綠金大食

鈿但有朝貢無居商九邊洋溢入歌詠扶持 天子親
明堂丈夫胸臆有如此生當封侯自今始麒麟標發星
辰飛驅露辭章偶然耳忽憐下走逃麤官虛襟說士輕
琅玕夔曠從古不可遇青蓮徒失荊州韓彬彬神采照
前席把句獨嗟遠行客詞大能鞭守正心氣高仍中匡
時策使我三復風雲生此叟五十猶壯情未肯志業限
文字所以竹帛遭功名餘子能事妙毫翰幾人淹雅來
簪纓騷壇牛耳竟誰是袖裏江淮鼙鼓聲

秀水 趙 銘 桐生

昔年磨盾墨淋漓橫海登壇自建旗壯爲馳驅埽狐兔
老猶談笑卻熊羆萬花怒放燈前筆百劫觀空局外棋

曾與維摩同借榻

在濟甯軍中
同寓禪院

香鑪茗椀總情移

霖雨東山再策勳每餘雅興到斯文濟南名士尊牛耳
冀北當年軼馬羣許國精神原似電憐才意氣尙如
雲等身著述流傳徧不獨清風歷下聞

新編投我富琳琅入手明珠盡夜光北渚吟秋攀古柳
東溟湧日瞰扶桑迴瀾屢奏臣心赤聽雨相逢客鬢蒼
願祝宦成歸計好鑑湖風月飽奚囊

墜歡十載渺難論太白樓頭一酒樽別去山郵詩滿債

銘自丁卯南歸公屢
以詩寄皆未能答

書來湖上夢無痕

在杭州
屢奉書

風雲故

將知誰健海嶽同官有幾存

錢立吾江小梅詹雨民以
事去官徐訂卿謝希伯並

謝世諸君皆鼎軍
同幕筮仕山左者

我是淮南舊賓客還容捧袂託龍門

補勤詩存目錄

卷之一 道光戊申至庚戌

過庭草上

古近體詩八十首

卷之二 咸豐辛亥至癸丑

過庭草下

古近體詩五十五首

卷之三 甲寅至己未

陔養集

古近體詩七十五首

卷之四 庚申至同治壬戌

海角行吟

古近體詩七十三首

卷之五 癸亥甲子

東南壬甲

新樂府十八首

卷之六

甲子乙丑

閒居遣興上

古近體詩四十七首

卷之七

乙丑

閒居遣興下

古近體詩四十六首

卷之八

乙丑

滄海重經集

古近體詩六十四首

卷之九

乙丑

東征磨盾集上

古近體詩五十七首

卷之十

乙丑

東征磨盾集中

古近體詩九十一首

卷之十一

乙丑丙寅

東征磨盾集下

古近體詩六十首

卷之十二

丙寅

歸舟消夏錄

古近體詩一百十七首

卷之十三

丙寅丁卯

還山酬唱

古近體詩三十八首

卷之十四

丁卯

重行行草

古近體詩九十八首

卷之十五

丁卯

蓮亭今雨集

古近體詩一百一首

卷之十六

丁卯戊辰

磨盾後集

古近體詩八十七首

卷之十七

戊辰己巳

日下重遊

古近體詩八十八首

卷之十八

己巳

可讀山房吟草上

古近體詩九十一首

卷之十九

庚午辛未

可讀山房吟草下

古近體詩五十九首

卷之二十

辛未壬申

柳雪閒情

古近體詩七十一首

卷之二十一

癸酉

東溟校伍錄

古近體詩八十八首

卷之二十二

甲戌光緒乙亥

銀海迴瀾集

古近體詩七十四首

卷之二十三

丙子

捧檄集

古近體詩三十六首

卷之二十四

丁丑

四餘絮話

古近體詩五十六首

幼作另存續集嗣出

橘蔭軒全集校勘記誤

乙酉重校

詩存初刻七卷四葉

王謝

誤榭

二十三卷八葉

宣榭

誤謝

續刻二卷十一葉

蝸居

誤蛙居

四卷五葉

白鷹

誤白雲

六葉

景喬誤景裔

五卷一葉

佛頭拈

誤拈

誦芬錄一卷一葉

終老

誤者

補勤詩存卷之一

山陰 陳錦 畫卿

過庭草上 道光戊申至庚戌

受經子舍早辨四聲獻賦丁年漸工七字戊戌以
後凡十載閨房之詠殆千篇一感人琴便刪已作
而閉門索句攜屐登高初試京華薄遊燕趙羌紛
馳乎輪機得借助於江山一時所至有詩是卷蓋
存者半以其猶隨任唐昌庠署也從其朔日過庭
草

南屏山

十里平岡臥雙谿左右逢危樓三面月深樹一聲鐘晷

約寒流斷驚瀧夜砮春登臨纔百步巖翠已重重

山果熟可摘僧房酒滿槽雲邊樵徑滑花底石幢高暮
色逐歸鳥詩心降怒濤秋風吹不盡霜葉下晴皋

三松亭落成呈松壽朋明府

亭在武隆山下嶽廟後邑人新建地

有古松
三故名

前有重檐飛翼之琳宮後有層梯疊棧之穹窿風雲盤
鬱萬樹亞平地崛起三游龍百年荒落絕人迹蛇虺出
沒行弓弓奇礪錯立塞蹊徑灌木垂死含青葱良材有
遇有不遇泥塗顯迹雷遭逢翩然下車得賢令大夫姓
氏猶秦封蠲穢芟蕪平犖确奇秀突出無人工僵柳牆
頭甍釋綠時花石罅搖嫣紅天然邱壑鄙丹堊小結亭

榭宜茅蓬無泉安得滌煩膩當階土脈流溶溶臺池麗
具足吟賞一洗俗吏塵襟空公餘眺望無虛日便卜喜
雨祈年豐琳琅四壁盡時彥觴詠漸及沂雩童賤子不
文預雅集兩耳飽聽寒濤春摩厓紀事勒巖翠名山笠
屐懷坡公

山上有東坡亭

和答吟秋樓主人鄔雪舫先生

鶴徵

鐵板江東獨倚樓閒消清福老吟秋耶谿明月醪河水
照見詩人已白頭

春風零落杜陵花

杜尺莊先生煦

秋入蓮谿舊夢賒

周又谿先生師濂

老輩風流推二舫度人猶幸有僊楂

王笠舫先生衍梅與君齊名王贈君

詩有君是僊楂我野舫之句

臥遊從此閉荆關五嶽歸來不看山誰共詩巢主牛耳

樓頭長笛未曾還

宗笛樓先生稷辰

故鄉菱芡抵菰鱸耕種書田傍鑑湖詠絮嬌娃誇鳳侶

公女能詩適周雪齋太史

修文才子惜鵷雛

文郎著有味堂詩草早卒

折節論交興未摧杖頭沽酒一顏開年來風雅真消歇

青眼尤憐賦茗才

時公方爲宗浣芳女史及丙子綠雲女史點定遺稿

春日書懷

己酉

安排詩榻泮宮西館是琴餘覓句題

時自題吟室曰琴餘聽雨樓

頭千樹曉賣花聲裏一鶯啼攜將修竹林中屐踏取梅

花嶺上泥最是天邊垂雨腳分明雲外有丹梯

唐昌紀事詩十二首

雞血紅

大山介於徽杭產歛硯及圖書石名雞血紅聞山得之值甚昂今取諸石

卵質鱗色

黯不足貴

嶺歛大山高上天硯田種玉生琅玕鮮若猩猩刺掌濡
白縷樹頭點滴淚唬鵲五丁力士開不出徑寸連城抵
趙璧乾嘉 睿賞矜收藏頭銜一顆千金擲百年老洞
屯蛇龍餘點空存石卵中習見猶珍況耆古五都骨董
聲價隆由來是物罕贗鼎世上無如雞血紅

天生尤於昌舊爲一州於尤出焉天生者貴
片縣種尤當之多
而易得品益賤

萬古靈山種藥天鬼神守護不知年長養僊根絕人影
獸蹏鳥迹都勿近天驚石破吐幽馨踏徧鐵鞋無處尋

銅皮玉質肌理皺銀刀片割硃砂漏沁入心脾土脈舒
籠中一粒香盈袖後來移植到人間猶住天台採藥僊
僊居種朮如種稻朮田滿地秋成好

手寧

鳥八切

司

治西十里曰白牛橋又十里曰手寧同舊設巡檢禁引鹽私重

今以道
於裁廢

白牛橋下谿流平手寧司前谿水明山居大利在舟楫
飽聽鹽船篙鐵鳴沙埧石漲船不至坐禁斤私忘故事
逐引私春五百斤一船六引行逡巡大溜灘頭三日坐
灘高水急膠飛舸栗谿以上無長流廿里乾河鋪石卵
一朝暴漲行孤蓬千輪萬馬聲隆隆

戈神廟

在治南四十五里大溜灘西厓其地險惡多大石當流相傳戈姓行舟沒

於水邑人神之爲
立廟過溜必禱

大石森森欲搏人小石磊磊隨其巖複隧重閣立敗堵
萬隊熊羆塞門戶怒濤滾石行如飛舟輕溜重不可磯
葬人大壑多奇魅呼禱有靈鍾一葦沒於水者水是尸
怒髮虬鬚面痕赭陰厓猛虎哭冤魂廟食巖頭山鬼尊
豆腐舖側以肩挑日赴東鄉兩沖售豆腐人
多便之健足善走二十年無閒風雨
不傳
其名

白石寒山兩沖

村名在治東三十里
當水之冲遂名其地

路到門口日呼豆

腐村民買食不須錢便割機頭紫花布擔負行舖不記
年朝來暮去芒屨穿但記日行三十里歲計萬里月計
千夕陽影裏歸城邑飽飯黃昏聾鼻息遠近傳聞豆腐

傭百年姓氏無人識

講約瞽

日者方姓幼瞽喜讀書以夢中得人指引詣學署問字受聖諭廣訓行

吟鄉邑人稱為瞽門生後兼通文字

有瞽有瞽絃索鳴聽受千言心不盲叩門剝啄求書讀
口耳相師如度曲 天語皇皇十六篇一朝背誦若流
泉校官前渡循故事無目門生偏識字便學文詞亦了
然教人伸紙書詩韻口背文詞令人道路傳聞當木鐸
手撥三絃講鄉約

清明柴

俗惟清明日許人入山砍柴以祀祖

枝為薪矣中元冬至節亦然

山民作苦婦而耕擔柴汲水赤腳行青山有主禁砍伐

砍伐不禁逢清明清明萬戶拜祠祖許砍生柴乍砍之柴名生
易香楮但恐柴輕錢不多不憂擔重行陂陀披荆履
棘無餘力血汗霑衣頭面赤平時休復施斧斤折取松
枝不盈尺

西湖蟹

山居無蟹惟予與何藜輝購自西湖供甘旨邑人見而異之拾蟹筐作佩

以辟邪驅瘡竟驗

彈丸井邑千年改自有監州便無蟹

昌化古州治

高堂點酒

思持螯一尖團向西湖買百里時蠶生致難如飛健步
行夜闌膏黃滿殼入薑桂階前遺蛻猶扁爛兒童拾得
珍片玉札闔縣門供佩服以之辟瘧如有神鬼猶不識
況其人

水輪碓

大園在上其象龍法輪常轉天無功輓轡捲地播豐隆
桔槔戽斗溜旋風陡壑飛瀑喧雨後以水激輪輪怒走
碓柄礙輪輪欲停齟齬乍脫停復行一停一脫聞碓聲
碓輕輪重行不絕碓下輪飛聲疊疊旁觀袖手若無人
坐看金秬成玉粒歐羅巴法廣輪天奇巧獨祕工螺旋
山農曠古不知巧創製輪撥抑何早

竹火籠

瓦盆宿火御晨寒銅筋竹絡盤四端千人胯下挾微熱
陽春在腳行團團山邑箐叢苦卑溼黃梅風雨無時節
單衣薄袖提筠籃冬烘直到春月三紅閨玉手薰蘭麝

女兒黃竹箱同在銅瓶煖酒宜黃昏夜來併作被池溫

化龍店

地在泊東八十里徽杭出入大道計子宿此二十餘次

十年行色萬山中襖被籃輿宿化龍煙熏老壁十重壤
日炙寒林千葉紅燈昏雨暗人無侶絕壑秋深山鬼語
饑蟲喧鼓蝙蝠飛開門瘴霧腥人衣侵晨秉燭行幽草
兩岸鷓鴣啼不了春雷動地溼雲生下有毒蛇臥當道

餘杭道

自於昌出山至青山五柳入餘杭界爲武林大道多桑竹

青山五柳餘杭道陰濃十里柔桑好竹雞歷歷曉春曉
籃輿戴雨穿幽篠錢王故里土花紅六代烽煙戰壁空
天目支龍下平地南朝王氣來潛東過此鷗鳬漸可侶
結筏持竿走清渚南北高峯兩點青明朝一舸西湖雨

夏五微雨憶去年西湖雨中

去年今日盪輕橈初試羅衣向六橋
賸得西湖微雨點
黐痕猶在不會消

小樓敲枕聽滂沱彈指光陰一歲過
送斷梨花春似水
洗妝偏爲夏山多

眼前無日不秋潮
驀地汪洋吼怒濤
昨夜雙谿流欲合

隔山遙見浪花高

雙谿之水隔以高阜
久而水漲合爲一流

到處谿流接澗流
會將淘盡古今愁
東坡已去留蓑屐

飽看陂塘五月秋

雲川秋夜

在昌化泊
南十五里

翦盡秋齋燭秋光
戶牖涵泉聲
春斷岸月色抹浮嵐晴

翠凝寒樹孤雲飲石潭西風聽瑟瑟鑪篆裊詩龕

雲川秋曉

聽斷五更雁千山宿靄收白雲蘆岸曉紅葉板橋秋露
氣騰空翠晴光射怒流漫嫌風凜凜餘煖矯輕鷗

昌化治前十景詩

翠壁春晴

絕壁雲猶漬晴光動紫谿翠黏春樹重青壓斷峯低暮
靄雙虹插晨煙萬鳥囁摩厓慚鉅製詩向綠苔題

暮陰競渡

一夜傾盆雨雙谿有短橈沙平波影凸岸闊勝聲高側
勢隨驚浪橫風截怒濤明朝新漲落長板又危橋

青潭疏雨

乍息洪濤怒青潭百尺深雨痕篩鏡面疏點暈波心桐
葉鳴秋路桃花送客吟一聲聞欸乃兩岸碧雲陰

嶺雪初霽

峻嶺月初上寒山雪未消晴空凝水月天半閣瓊瑤壘
嶂澹藍本層巒換白描梅花開幾處一色混雲霄

急流泛艇

大力行孤艇人聲撼水聲傍沙檣纜溼觸石竹篙鳴溜
曲風常怒灘高影不平大溜小溜在於昌之交谿流最險迴檣乘下水

一路送飛鯨

南塔殘煙

萬井炊痕直南屏塔影縣嫩晴春樹外斜日暮鐘天佛
法千層迴禪心一縷圓鷺鷥飛不破餘綺散雲川

楓攢碧岫

油碧嵐光淨丹楓殿四周夕陽黃葉落紅雨亂山秋霜
氣圍巖翠風聲挾澗流吳江分冷豔裝點暮雲幽

飛雲橫黛

截斷螺峯色飛雲一段濃中分青翡翠橫破碧芙蓉掩
映花簪髻高寒雪在松丹梯如直上羽翼快從龍

石嚼銀濤

石齒晴流鬣銀濤響不收嚼來冰雪碎噴作海潮秋冷
嘯雲雙澗寒吞月一舟谿脣高百尺嘯氣怒龍湫

紫谿秋月

千里共明月雙谿一樣秋
洗來雲水眼淘盡古今愁
星漢杯中落乾坤鏡裏浮
寒濤流不去蟾影滿孤舟

嘉平下幹計偕北上舟次姑蘇

席帽衝寒賦壯遊
梅花風裏送行舟
帶來東浙一帆雨
拋卻西湖八月秋
慰我鄉心憑越釀
破人歸夢有吳謳
明朝聽說千人法
一谿吟眸上虎邱

醉司命日立春經錫山惠泉

踏雪來停訪戴舟
梁谿古堞撫薰樓

南城門

竹輿送竈馱

神馬花鼓迎春打
土牛片石孤存南渡恨

秦園美人石

名泉

清到出山流千年喋血睢陽齒
空自寒吞月一鉤

山有張睢

陽祠

侍外舅勞又峯先生攜眷登中山試院樓

庚戌

攜句叨陪拄杖遊雲山相向盡低頭層檐晃日天長午

高樹擔風簷自秋千古英雄常料敵

樓與狄武襄料敵塔相向

一家

僊佛儘登樓眾香花木坡公石同此飛鴻爪印留

眾香園雪

浪石爲坡公遺蹟

憎蠅

繞筆投羹爪翼輕每從宮寢誤雞鳴健扶象鼻疑摩刃

巧借蟬綏便請纓附熱天然描世態惡香何故拂人情

憎蠅莫怪歐陽賦點墨驚聞拔劍聲

料敵塔

偉畧爭傳兩面錢
萬人旗鼓騁英年
飛將軍自來天上
直北河山在眼前

大旂日落塔鈴高
銅面餘威百戰驍
千里邊烽入遼海
祇今尺土尙中朝

花影

豔魂無力上樓臺
省識東風戶半開
綽態柔情圖畫裏
卻扶明月入簾來

滿地寒香冷欲消
瓊枝玉葉寫寥寥
不教妝樣塗脂粉
只許天公淡墨描

中山內兄官署夜飲糜粥和二老懷舊之作

惠傳詩句付東牀
餽粥家風未忍忘
記取面山樓下事

寒燈行酒侍萱堂

面山樓婦家故居

此日中山奉板輿
蔗根滋味菜根餘
春暉近照庭前樹

惆悵南枝已不如

謂綠雲女史

夜涼不寐憶丁未七月事誌悼

孤燈涼雨可憐秋
最動人閒話別愁
况是當年今日夜
有人扶病綠窗幽

月滿空山露滿天
霎時離合便千年
戲言身後尋常事

不道今朝卽眼前

女史臨歿誦元微之昔日戲言身後意今朝都到眼前來之句

玉山傾倒已難留
小草春暉報得不
卻聽兒唬還起坐

育兒心事死方休

底事銷魂在異鄉
家書千里憶爺娘
滿腔別緒雙行淚

卻爲吟詩竟斷腸

平安二字慰慈萱
噩耗三年戒勿言
報道歸甯期不遠
老人欣喜問寒暄

定州留別陳珊士同年

人生不幸能識字
况復操筆爲文章
文章勝負論成敗
天下從此多一爭
戰場徒手殺人持寸匕
襤被單車走千里
秋風秋雨燈火寒
使我長宵不寐心
骨生悲酸積雨初晴見紅日
整頓歸裝促行色
一第猶慳翰墨緣
九牛枉費書田力
與君同作長安遊
都門餞我送客兼
送愁聚散因人不自由
到此重逢容易別
驪駒一曲又復吹斷巴山秋
巴山秋君勿憂我
住與君看明月我去明

月還與君句留請看月下浮雲向南去我馬我車夜停處

車行保陽阻水仍回定州道中口占

中山城北燕城西西風不斷寒鴉唳金臺古驛秋雲迷
積雨爲淖爲溝谿輦轡濺水車濺泥以馬作牛輪作犁
輪傾馬蹶軒轅低鞭馬不起悲且嘶十人耶許肩車輓
以人代馬行田畦田畦歧路成深蹊馬蹏人足皆塵壁
似此壤高沙磔猶水漸况復東南地勢多不齊直上不
得青雲梯何必苦隨鞭鐙下爲分水犀歸去來兮行程
羈再聽中山山署一月寒窗雞

再至定州贈珊士同年

聚散無常一笑中
雪泥鴻爪忽西東
行行且止恆山曲
依舊禪燈照塔紅

天教一月滯歸期
雨積燕臺泥馬蹏
留與同心把樽酒
重論鄉思到窗西

乍聽車聲格格催
何圖今雨又重來
無端九月秋風裏
多費河梁別一回

過楊椒山公祠

望都縣

辨奸從古發端難
片牘朝天一死拌
不是奸謀施獄尾
君恩猶未殺言官

杖下冤魂闕下霜
滔天逆餒啟貂璫
爲清君側甘膏斧

青史褒忠首二楊

謂楊漣劾魏璫二十四罪事

定州阻雨

半載恒陽阻風雨曰歸曰歸久延佇生平恨不慣征途
揭來偏識征途苦客有閉門退學田舍翁布衣蔬食鄉
隅終不知北有沙漠五千里東南海水之長風亦有四
牡馳驅作天使衝寒冒暑行未已山川節鉞歲一持勞
酒賜衣返鄉里田舍但言名不揚天使猶嫌行路長行
路長名不揚一身兼之秋風涼驅車十日猶恒陽

再別珊士

聚散一何易經旬雨別離重逢勝初見徑去更相思舊
雨良朋話秋風獨客詩不堪歸路遠江上嫩寒時
再至中山國燕臺八月秋相逢盡知已轉瞬又離愁心

事雲千里前程月一鉤何時重握手明歲整貂裘

別胡午亭

同是南歸客登車我獨先鐘聲殘燭夜蟲語早秋天
岵愁應釋河梁恨轉牽知君行不遠杯酒菊花前
來往金臺下秋風四馬蹏與君聯雁影到此認鴻泥
馭待王尊叱詩經祖逖題兩人先後聽何處月中雞

保陽省寓

未就歸程預計程霜天紅葉滿蠡城秋風送客家偏遠
冷露霑衣我獨行瘦馬緇塵京洛夢隋帆疏雨夜潮聲
候蟲軋軋織鄉語空憶金閨絡緯鳴

行裝無色笑閒遊一領征衫密寄愁風猛不應敲落葉

月圓况是近中秋飽看齊魯千山色重隔江河萬里流
認得雪泥鴻爪印塵腥殘壁有詩不

入都宿此
題壁猶存

荏山道上

去年孤艇泊江流曾記江潮猛打頭祇爲微名嘗旅况
卻來荒店度中秋三閒土屋雙刁斗十里蒼煙隻戍樓
我有愁城彈不破琵琶何事送清謳

天涯一掬月團樂卻憶高堂拄杖看吏隱家貧歸計迫
倚閭親老遠遊難行囊差喜添書重敲枕無端覺夢寒
一片鄉心何處是江河南渡要平安

東阿道上

百里東阿道驅車入岫扃峽風鳴虎豹怒馬走雷霆鞭

挈巖雲赭輪敲石火青泰安分一脈設險到山陘

峭壁千尋立斜陽一綫明驚天聞石破穴地有人行古

井流清濟高峯捍舊城

東阿舊城
今名舊縣

明朝過汶水鄒嶧問

前程

南沙河題壁

出山入山行路難出湖入湖途路長沙石瑩礪摧肝腸
我行遲遲秋風涼山行怕風湖怕雨冬行怕寒夏怕暑
怕寒怕暑父母心冒風冒雨遊子行黃塵填滿征衣縫
中秋明月勞勞送歸也歸未來猶繞高堂夢

臨城驛題壁

過長畦行短陌行盡崎嶇出鄒嶧青山漸近江南色山

後初日紅山前曉煙白山前山後多平沙曉煙白處有
人家人家沿水水沿樹炊痕水氣成雲霞更樓向東成
樓向西高出樹杪支鉗頤滕文遺澤今尙在田廬井宅
未應改我欲停驂問老農八月十五東阿東北風吹雨
向南下可是君家祝雨公

卞塘曉行

潄盡征衫一領愁滿身涼露五更秋天低野曠稀村樹
紅日看他上馬頭

下邳古圯上張子房納履處

邳州南三里

將相苦無主英雄命在天功名羞賈豎事業本神僊博
浪椎秦後淮陰飯信年封侯還辟穀視此水涓涓

此地猶黃石當年已赤松陰符歸佐命良將屬真龍借
箸千言始臨流一跪中安劉亦天授四皓盡僊蹤

梅花嶺謁明史忠正公墓按閣部諡三唐王賜忠靖見徐秉義明末

忠烈紀魯王賜忠烈見全祖望鮑琦亭集乾隆四十一年賜忠正見勝朝列節錄

不信興亡命自天忠精耿耿大江邊臨風草檄言猶在

喋血家書義凜然壁上一刻公致攝政王書並家書一紙宰樹至今

羞北向墓木枝葉南面與岳鄂王同朝廷從古忌南遷梅花嶺上揚

州月照見衣冠二百年史載公當揚城破日自刎不殊小東門被執自呼見殺越十二

日嗣子德成求尸不得乃以衣冠招魂葬梅花嶺野史証公跨白嶽隱去不足信也廟中懸絹畫公像面容瘠

削鬚髮皆蒼癯丑粵匪亂後其像無存

歸舟卽事

袁江南岸卸征篷一片帆檣破浪寬
久客愈知鄉里好遠遊方信道
途難命依僮僕心偏熱家託舟車
夢轉安屈指歸程惟十日西風相
送莫盤桓

舟泊維揚有女子掩泣登舟者詢得其詳詩以紀之

生女安能嫁比鄰楊花漂泊恰因人
天教弱質隨風去揚子江頭一葉春

單車呼擁上行舟頓足牽衣淚儘流
掩抑看他嗁不得女兒心事尙含羞

夜半微聞喚母聲唾壺愁滿夢難成
明朝猶有家鄉水流到瓜州送汝行

補勤詩存卷之一